

Corona: Tjavgga plánim Jáhkámáhken

Kommuvnnaj báhti edna gatjálvisá. Moattes áhtsi vástádusájt ájggeguovddelis pandemiddja hárráj. Kommuvnnastivrra barggá tjavgga gárvedimijn duostutjit majt háhkka lasedibme luluj dahkat. Ájggeguovddelis tjoahkkájgäsos dagojs ja plánajs vuojnnu vuollelin.

Jáhkámáhke kommuvnna aktelattjat tjuovvo álmukvarresvuohtafábmudagáj bagádusájt.

Jáhkámáhke kommuvnna l vádá- ja vahákguoradallamin identifierim dájmajt ma li ájnna álles sebrudahkaj.

Da li: Lieggimásadus, jasskavuohalármma, hájmmadievnnastus, vuorrasijárromsaje, hájmmaskihpasujtto, LSS, ávdđaskávlldoajmma (asstoárruha), IT-vuogádahka, serverladnja, tjáhtjeásadus ja reservoara, tjáhtjeviettjadagá, gálgunrájnnidusásadus ja pumpa, ruhkedámadibme, biebbmo huksodájmajda, birás- varresvuohtasuodje (biebmoj gáhttjam), kommuvnnadábe lájddimdoajmma, guovddelis hiehtelájddimjuogos, duostudak/registratuvrra, diededimguovdásj, jáddadimstasjávna, vuojána/rusta, VMA-ásadusá, doarjjamerustallamássudahka

Állidimplána vuododuvvá

Dájma ma identifieriduvvi ájnna álles sebrudahkaj li állidimplánav vuododum, plána iehtjádij siegen barggij binnemusmárráj, barggodagoj ávdájdibme ja ietjá dájma ma iehtjádijs mierreduvvi .

Svieriga kommuvna ja Dajva, SKR, máhtti hiehte vidjurijn dájmadahttet Hiehtevijorlihtov mij dahká kommuvnan la riektá sirddet barggij dájmajda gánná l dárbbu. Uddni e gávnnu dábdomerka SKR:a galggá Hiehtevijorlihtov dájmadit valla gárvedip dakkir vidjurij. Danen li dájma ma li ájnna álles sebrudahkaj barggogáhttjusin ávdedit plánav gáktu doarjju ietjá dájmajt barggij jus Hiehtevijorlihtto luluj dájmaduvvat.

Kommuvnan la aj aktavuohta vidnudagáj áladusán, gánná permitterima dávk ájggeguovddelisá sjattatji, dievnastusáj njuolggáásadibmáj muhtem suorgijn náv gák, buojkulvissan, biebbmorusstim ja oasstem ja rájnnim.

Almmoduvvá aj tijmmasadjásattjaj hárráj dájmajda ma li ájnna álles sebrudahkaj, ja kommuvnavirggeulmutja máhtti barggij diededit dárbbomierredum dájmajda.

Coronavirusa diehti de dájma ájnna álles sebrudahkaj li duodde barggij dárbon. Uddni l darbbu stuorámus vuorrasijhuvson ja dájmaj sáhtusulmutjijda.

Gájka barggij Jáhkámáhke kommuvnan li ájggegaskan máhttelisvuohta diededit miellogisvuodav ájnnibáddásattjat barggosajev mássot.

Jáhkámáhke kommuvnan li tjuovvo márrádusá, ja biedjamdago dájmaduvvam, ulmijn duostudit:

Virggemano ma álla állu dárbulattja máhtsaduvvi. Muttákvuohta bádtjiduvvá. Gájka máhttelis virggemano galggi lagámus oajves miededuvvat. Virggemanoj miejnniduvvá mano kurssaj, konferánsaj jali ájnegasj tjáhkanimij, e bájjvásaj mano virgeássjen.

Sosiáladievnnastusá doajmmalanjá majt álmuk, siebre jali iehtjáda guossidi, loaddnuji jali lájggiji,

buojkulvissan lieggalávvgom Gájjdomhuodnahin, li dahpaduvvam.

Garra barggevidjurij diehti de miededum asstoájge gidán ádåsisgehtjaduvvi ja dávk unnotji. Asstoájge e miededuvá ietján gá sierralágasj árijda. Ássudakoajvve miedet máhttelis ásstoájgijt. Fámon la gájt dal ájn.

Soahpmdáktåra bagádusá milta I biejaduvvam guossidimbuorggo vuorrasijårromsajijn ja LSS-årromsajijn. Barggovuoge sierralágásj guossidimijda hábbmiduvvi.

Oarren ij la dájvalakkoj hejmas barggat. Oajvvenjuolgadus la at varres bargge li bargon. Gájkka ássudagá galggi ietjas dájmvav iemeláhkáj dájmadit.

Vuodo rájnsvuohtabarggovuoge galggi állåsit tjuovoduvvat ietja barggijs sujto lahka.